

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNO TUŽILAŠTVO
UNSKO-SANSKOG KANTONA
BIHAĆ**

Broj: T01 0 KTRZ 0015448 13
Dana, 11.02.2014 godine
MJ/EČ

KANTONALNI SUD U BIHAĆU

-Sudiji za prethodno saslušanje-

Na osnovu odredbe člana 45 stav 2. tačka i, odredbe člana 241 stav 1. ZKP-a FBiH, podižem

O P T U Ž N I C U

PROTIV:

B.S. sin I. i majke V. djevojački B., rođen __.__.____ godine u mjestu D.L., općina S.M., JMB _____, nastanjen u P., ulica P.P.N. broj __, pismen, sa završenom SSS, po zanimanju saobraćajni tehničar, neoženjen, bez djece, vojsku služio u L. i Z. 1974/75 godine, vodi se pri OMO P., srednjeg imovnog stanja, po nacionalnosti Srbin, državljanin BiH, do sada neosuđivan, nalazi se u pritvoru po Rješenju Kantonalnog suda u Bihaću broj: 01 0 K 008473 14 Kpp 2 od 18.01.2014 godine, a pritvor teče od 17.01.2014 godine od 08,00 sati.

Š T O J E

Za vrijeme rata u BiH, u drugoj polovini 1992. godine, u vrijeme oružanog sukoba između Armije R BiH i vojske Republike Srpske, u svojstvu vojnika VI Sanske brigade vojske Republike Srpske, zajedno sa Š.Z., vojnim policajcem pripadnikom VI Sanske brigade vojske Republike Srpske, koji je preminuo, postupao suprotno odredbi člana 3 stav 1. tačka a) Ženevske konvencije o zaštiti civilnih osoba za vrijeme rata od 12.08.1949 godine i člana 4 stav 1. i 2. tačka a) Dopunskog protokola II uz Ženevsku konvenciju od 12.08.1949 godine o zaštiti žrtava nemeđunarodnih oružanih sukoba, tako što je:

Dana 10.07.1992 godine, oko 12,00 sati, po prethodnom dogovoru sa Š.Z., pripadnikom vojne policije vojske Republike Srpske, da iz sela M., općina S. M., dovedu B.B. i B.I. radi ispitivanja za oružje, Š.Z. zajedno sa vojnim policajcem M.D. u vojnim uniformama, naoružani

sa automatskim puškama i M.N., kojeg je osumnjičeni B.S. poslao sa njima da pokaže kuće B., došli u selo M., izveli iz njihovih kuća B.B. i B.I., te ih sa p.m.v. Opel kadet, crvene boje, kojim je upravljao M.D. povezli u selo D.L., te kad su se na lokalnom putu našli sa osumnjičenim B.S. koji je upravljao sa kombijem, Š.Z. je naredio vozaču da prati njegovo vozilo, pa kada su došli na lokaciju B. – D.L., gdje je osumnjičeni B.S. stojao kraj svog kombija, postupajući po naredbi Š.Z. zaustavili vozilo iz kojeg su svi izašli, kada je Š.Z. uz prijetnju otjerao M.D. i M.N., te zajedno sa osumnjičenim B.S. poveo B.B. i B.I. u pravcu šume, gdje su u namjeri da ih liše života u iste ispucali više metaka iz vatrenog oružja od kojih je B.B., rođen ____ godine zadobio povrede u vidu strijelnih rana grudnog koša i nadlaktice, a B.I. rođen ____ godine, povrede u vidu strijelnih rana glave i tijela, od kojih povreda su preminuli na licu mjesta, a potom njihova tijela bacili u jamu.

Dakle, za vrijeme rata u BiH, kršeći pravila međunarodnog prava zajedno sa drugim licem izvršio ubistvo dva civila bošnjačke narodnosti.

Čime je počinio krivično djelo – ratni zločin protiv civilnog stanovništva iz člana 142 stav 1. u vezi sa članom 22 preuzetog KZ SFRJ.

S toga stavljam

PRIJEDLOG dokaza koje treba izvesti

1. U svojstvu svjedoka ispitati:

- B.F. sin B. iz M. bb, općina S.M.
- B.E. kći E. iz M. bb, općina S.M.
- B.H. kći H. iz M. bb, općina S.M.
- B.N. sin V. iz M. br. __, općina S.M.
- K.M. sin A. iz M. bb, općina S.M.
- M.D. sin Đ. ul. T.P. br. __, općina B.L.
- M.N. sin M. N.N. bb, općina P.
- K.D. sin M. iz sela M. bb, općina S.M.
- M.R. sin L., ul. A bb, općina P.
- V.M. sin V., naselje B. __, općina B.

2. U svojstvu vještaka ispitati:

- R. dr. M. iz B., ul. M.H. br. __
- Mr. sci. F.B., ul. S.M.D. br. __, S.

3. Pismeni dokazi koje treba pročitati:

- Naredba za ekshumaciju i obdukciju, Kantonalni sud u Bihaću br. 001-0-K-Kpp-07-000035 od 23.03.2007 godine
- Zapisnik o izvršenoj ekshumaciji, Uprava policije, Sektor krim. policije Bihać br. 05-1/04-5-1467/07 od 24.09.2007 godine

- Fotodokumentacija i crtež lica mjesta ekshumacije 2 NN tijela, KMUP Bihać br. 81/07 od 21.09.2007 godine
- Zapisnik o izvršenim obdukcijama i reobdukcijama, Uprava policije, Sektor krim. policije Bihać br. 05-1/04-5-2079/07 od 15.12.2007 godine (tačka 7. i 8.)
- Fotodokumentacija obdukcije tijela B.B. i B.I., KMUP Bihać br. SI/07 od 15.12.2007 godine
- Dokaz – bijela koverta u kojoj se nalazi čahura metka pronađena prilikom obdukcije tijela br. 1.
- Izvještaj o obdukciji i potvrda o smrti za B.B., po vještaku med. struke prim. dr. R.M. od 15.12.2007 godine
- DNA Report Međunarodna komisija za nestale ICMP, protokol broj 10599/07P za B.B.
- Izvještaj o obdukciji i potvrda o smrti za B.I., po vještaku med. struke prim. dr. R.M. od 15.12.2007 godine
- DNA Report Međunarodna komisija za nestale ICMP, protokol broj 10629/07P za B.I.
- Zapisnik o saslušanju vještaka dr. R.M. od 16.01.2014 godine
- Izvod iz matične knjige umrlih za B.B., B.I., općina S. Most od 13.09.2012 godine i Š.Z., opština Banja Luka od 06.08.2013 godine
- Nalaz i mišljenje vještaka balističara mr. sc. B.F. od 21.09.2013 godine
- Uvjerenje o pripadnosti Vojski RS-a za B.S. , Administrativna služba grada Prijedor br. 03-835-1-285/13 od 17.09.2013 god
- Uvjerenje o pripadnosti Vojski RS-a za Š.Z. Administrativna služba opština Oštra Luka br. 03/5-835-1-153/13 od 17.09.2013 godine.
- Fotokopija odluke o proglašenju ratnog stanja („Sl. list RBiH“ br. 7/92)
- Fotokopija odluke o ukidanju ratnog stanja („Sl. list RBiH“ br. 50/95)
- Izvod iz Ke za osumnjičenog

4. Dokazi o troškovima proizašli iz istrage

- Troškovnik ovog Tužilaštva od 10.02.2014 godine sa prilogima rješenja o naknadi troškova.

REZULTATI ISTRAGE

Rezultati istrage na nedvojben način potvrđuju osnovanost ove optužnice, odnosno osnovanost navoda da je osumnjičeni B.S. kao pripadnik vojske VI Sanske brigade u sastavu vojske Republike Srpske, zajedno sa Š.Z., vojnim policajcem pripadnikom iste brigade, izvršio krivično-pravnu radnju navedenu u dispozitivu optužnice, iz koje radnje proizilaze sva bitna obilježja krivičnog djela - ratni zločin protiv civilnog stanovništva iz člana 142 stav 1. u vezi sa članom 22 preuzetog KZ SFRJ.

Osumnjičeni B.S. u prisustvu branioca po službenoj dužnosti iznio je svoju odbranu u kojoj navodi da je bio pripadnik Vojske RS-a u kritično vrijeme, da se ne sjeća gdje je bio u mjesecu junu, julu i avgustu 1992. godine, te negira izvršenje krivičnog djela koje mu se stavlja na teret. Odbrana osumnjičenog usmjerena je na izbjegavanje krivične odgovornosti, a ista se pobija dokazima kako subjektivne, tako i objektivne prirode koji su pribavljeni u toku istrage.

Da je osumnjičeni B.S. počinio krivično djelo koje mu se stavlja na teret proizilazi iz iskaza saslušanih svjedoka: B.F., B.E., M.D., M.N., B.H., B.N., K.M., K.D., M.R. i V.M.

Iskazi saslušanih svjedoka potvrđuju se objektivnim dokazima i to: Naredba za ekshumaciju i obdukciju, Kantonalni sud u Bihaću br. 001-0-K-Kpp-07-000035 od 23.03.2007 godine, Zapisnik o izvršenoj ekshumaciji, Uprava policije, Sektor krim. policije Bihać br. 05-1/04-5-1467/07 od 24.09.2007 godine, Fotodokumentacija i crtež lica mjesta ekshumacije 2 NN tijela, KMUP Bihać br. 81/07 od 21.09.2007 godine, Izvještaj o obdukciji i potvrda o smrti za B.B., po vještaku med. struke prim. dr. R.M. od 15.12.2007 godine, DNA Report Međunarodna komisija za nestale ICMP, protokol broj 10599/07P za B.B., Izvještaj o obdukciji i potvrda o smrti za B.I., po vještaku med. struke prim. dr. R.M. od 15.12.2007 godine, DNA Report Međunarodna komisija za nestale ICMP, protokol broj 10629/07P za B.I., Zapisnik o saslušanju vještaka dr. R.M. od 16.01.2014 godine, Zapisnik o izvršenim obdukcijama i reobdukcijama, Uprava policije, Sektor krim. policije Bihać br. 05-1/04-5-2079/07 od 15.12.2007 godine (tačka 7. i 8.), Dokaz – bijela koverta u kojoj se nalazi čahura metka pronađena prilikom obdukcije tijela br. 1., Fotodokumentacija obdukcije tijela B.B. i B.I., KMUP Bihać br. SI/07 od 15.12.2007 godine, Izvod iz matične knjige umrlih za B.B., B.I., općina S. Most od 13.09.2012 godine i Š.Z., opština B.L. od 06.08.2013 godine, Nalaz i mišljenje vještaka balističara mr. sc. B.F. od 21.09.2013 godine, Uvjerenje o pripadnosti Vojski RS-a za B.S., Administrativna služba grada Prijedor br. 03-835-1-285/13 od 17.09.2013 god, Uvjerenje o pripadnosti Vojski RS-a za Š.Z. Administrativna služba opština Oštra Luka br. 03/5-835-1-153/13 od 17.09.2013 godine, Fotokopija odluke o proglašenju ratnog stanja („Sl. list RBiH“ br. 7/92), Fotokopija odluke o ukidanju ratnog stanja („Sl. list RBiH“ br. 50/95).

Iz zapisnika o izvršenoj ekshumaciji 2 NN tijela sa lokaliteta B – D.L., mjesne zajednica F., sudsko medicinske dokumentacije sačinjene od strane vještaka medicinske struke R. dr. M., a nakon izvršene DNK analize, nedvojbeno se izvodi zaključak da ekshumirana tijela na navedenom lokalitetu pripadaju B.B. i B.I., koji su umrli nasilnom smrću od metaka ispaljenih iz vatrenog oružja.

Vještak balističar u svom nalazu i mišljenju utvrdio je da je dostavljena sporna čahura pronađena uz tijelo br. 1. ekshumiranog na lokalitetu B. – D.L., općina S.M., čahura koja potječe od metka kalibra 7,62 x 39 mm, ispaljenog iz vatrenog oružja – automatska puška tipa Kalashnikov ili automatske puške marke Crvena zastava, model M 70 ili puškomitraljeza marke Crvena zastava M 72, te naveo karakteristike navedenog vatrenog oružja kao i pravac i smjer kretanja čahura prilikom izbacivanja nakon ispaljenja metaka iz predmetnog oružja.

U vrijeme izvršenja krivičnog djela na snazi bila Odluka Predsjedništva R BiH o proglašenju ratnog stanja („Sl. list RBiH“ br. 7/92).

Osumnjičeni je bio svjestan da su B.B. i B.I. bili civili, da isti nisu učestvovali u neprijateljstvima, da je njihovo selo M. i područje općine S.M. bilo pod vlašću Vojske i policije Republike Srpske čije je i sam bio pripadnik. Uvjeti pod kojima je živjelo civilno stanovništvo bošnjačke nacionalnosti prema iskazima svjedoka bili su diskriminatorski u odnosu na

stanovništvo srpske nacionalnosti, jer su isti istjeravani sa radnih mjesta gdje su radili, vršeni su napadi na život i imovinu civila bošnjačke nacionalnosti za koje niko nije odgovarao, a i svi mještani sela u kojem su živjeli oštećeni bilo je istjerano iz svojih domova od strane Vojske Republike Srpske pod izgovorom traženja oružja što je kod civila izazivalo strah. U inkriminisano vrijeme bio je u toku oružani sukob između Vojske Republike Srpske i Armije R BiH koji je trajao za cijelo vrijeme rata u Bosni i Hercegovini. Da su osumnjičeni i drugi pripadnici Vojske RS-a sa ovog područja išli na navedena ratišta potvrđuju iskazi saslušanih svjedoka kao i odbrana osumnjičenog. Zbog svega navedenog osnovano se izvodi zaključak da je osumnjičeni postupao sa diskriminatorskom namjerom u okolnostima rata i oružanog sukoba koje su mu omogućavale dominaciju nad žrtvama.

Osumnjičeni B.S. postupao je zajedno sa Š.Z. sa direktnim umišljajem, jer je isti poslao vojnike RS-a po B.B. i B.I., sa svojim kombijem na putu sačekao vozilo sa kojim su od svojih kuća odvedeni B.B. i B.I., te se isti zaustavio u mjestu B., u blizini šume vlasništvo D.A., čekajući navedene civile, a kada su došli do mjesta gdje ih je čekao, isti ih je sa Š.Z. preuzeo, te odveo u pravcu navedene šume, gdje se nalazila prirodna jama, te ih tu pucanjem iz vatrenog oružja lišili života, iako je kao vojnik znao da je vatreno oružje opasno sredstvo namijenjeno za uništavanje žive sile, te je to sredstvo upotrijebio pucajući na civile bošnjačke narodnosti, od čega je jedna osoba bila starije životne dobi, za koje je znao da su Bošnjaci, a kao psihički zdrava osoba znao je da pucajući u iste može iste lišiti života, što je on i uradio. Bio je siguran u ostvarenje svog djela i nastupanje posljedice iz čega proizilazi pouzdan zaključak o htijenju izvršenja djela. Njegove poduzete radnje su rezultat su njegove svijesti i volje.

Krivično djelo ratni zločin protiv civilnog stanovništva iz člana 142 stav 1. prezetog KZ SFRJ čini onaj ko kršeći pravila međunarodnog prava za vrijeme rata, oružanog sukoba ili okupacije naredi da se izvrši napad na civilno stanovništvo, naselje, pojedina civilna lica ili lica onesposobljena za borbu, koji je imao za posljedicu smrt, tešku tjelesnu povredu ili teško narušavanje zdravlja ljudi..., prisiljavanje na prostituciju ili silovanje... **ili ko izvrši neko od navedenih djela.**

Za postojanje krivičnog djela iz člana 142 stav 1. prezetog KZ SFRJ potrebno je samo da ponašanje počinitelja objektivno predstavlja kršenje pravila međunarodnog prava, dakle da je ostvaren objektivni uvjet kažnjivosti kojim je posebno određen karakter protupravnosti ovog krivičnog djela tj. da je djelo protupravno i u smislu međunarodnog prava.

Osumnjičeni B.S. povrijedio je odredbe IV Ženevske konvencije o zaštiti civilnih osoba za vrijeme rata od 12. augusta 1949 godine i to čl. 3. st.1. tačka a. (zabranjeni su i ubuduće se zabranjuju u svako doba i na svakom mjestu ..., povrede koje se nanose životu i tjelesnom integritetu, osobito sve vrste ubojstava, osakaćenja, okrutnosti i mučenja) i odredbu čl. 4. st. 1. i 2. tačka a. Dopskog Protokola II uz navedenu konvenciju.

Zbog naprijed navedenog, a uzimajući u obzir prikupljene dokaze u toku istrage smatram da postoji dovoljno dokaza o postojanju osnovane sumnje da je osumnjičeni B.S. počinio krivično djelo ratni zločin protiv civilnog stanovništva iz člana 142 stav 1. u vezi sa članom 22

preuzetog KZ SFRJ, zbog čega predlažem da sudija za prethodno saslušanje Kantonalnog suda u Bihaću **potvrdi ovu optužnicu.**

5. Materijali koji potkrepljuju navode optužnice

- Zapisnik o ispitivanju osumnjičenog B.S., br. T01 0 KTRZ 0015448 13 od 17.01.2014 godine.
- Zapisnik o saslušanju svjedoka B.F. br.T01 0 KTRZ 0015448 13 od 17.01.2014 godine.
- Zapisnik o saslušanju svjedoka B.E., Uprava policije , SKP Bihać br. 05-1/04-5-445/08 od 04.03.2008 godine.
- Zapisnik o saslušanju svjedoka M.D., br. T01 0 KTRZ 0015448 13 od 16.09.2013 godine.
- Zapisnik o saslušanju svjedoka M.N., br. T01 0 KTRZ 0015448 13 od 06.09.2013 godine.
- Zapisnik o saslušanju svjedoka B.H., Uprava policije, SKP Bihać br. 05-07/03-6-1785/13 od 18.09.2013 godine.
- Zapisnik o saslušanju svjedoka B.N., Uprava policije, SKP Bihać br. 05-1/04-5-2012/07 od 08.12.2007 godine.
- Zapisnik o saslušanju svjedoka K.M., Uprava policije, SKP Bihać br. 05-1/04-5-2011/07 od 08.12.2007 godine.
- Zapisnik o saslušanju svjedoka K.D., br.T01 0 KTRZ 0015448 13 od 18.09.2013 godine.
- Zapisnik o saslušanju svjedoka M.R., Uprava policije, SKP Bihać br. 05-07/03-6-211/14 od 07.02.2014 godine
- Zapisnik o saslušanju svjedoka V.M., Uprava policije, SKP Bihać br. 05-1/04-5-1842/13 od 24.09.2013 godine
- Naredba za ekshumaciju i obdukciju, Kantonalni sud u Bihaću br. 001-0-K-Kpp-07-000035 od 23.03.2007 godine
- Zapisnik o izvršenoj ekshumaciji, Uprava policije, Sektor krim. policije Bihać br. 05-1/04-5-1467/07 od 24.09.2007 godine
- Fotodokumentacija i crtež lica mjesta ekshumacije 2 NN tijela, KMUP Bihać br. 81/07 od 21.09.2007 godine
- Izvještaj o obdukciji i potvrda o smrti za B.B. , po vještaku med. struke prim. dr. R.M. od 15.12.2007 godine
- DNA Report Međunarodna komisija za nestale ICMP, protokol broj 10599/07P za B.B.
- Izvještaj o obdukciji i potvrda o smrti za B.I., po vještaku med. struke prim. dr. R.M. od 15.12.2007 godine
- DNA Report Međunarodna komisija za nestale ICMP, protokol broj 10629/07P za B.I.
- Zapisnik o saslušanju vještaka dr. R.M. od 16.01.2014 godine
- Zapisnik o izvršenim obdukcijama i reobdukcijama, Uprava policije, Sektor krim. policije Bihać br. 05-1/04-5-2079/07 od 15.12.2007 godine (tačka 7. i 8.)
- Dokaz – bijela koverta u kojoj se nalazi čahura metka pronađena prilikom obdukcije tijela br. 1.

- Fotodokumentacija obdukcije tijela B.B. i B.I., KMUP Bihać br. SI/07 od 15.12.2007 godine.
- Izvod iz matične knjige umrlih za B.B., B.I., općina S. Most od 13.09.2012 godine i Š.Z., opština Banja Luka od 06.08.2013 godine
- Nalaz i mišljenje vještaka balističara mr. sc. B.F. od 21.09.2013 godine
- Uvjerenje o pripadnosti Vojski RS-a za B.S., Administrativna služba grada Prijedor br. 03-835-1-285/13 od 17.09.2013 god
- Uvjerenje o pripadnosti Vojski RS-a za Š.Z. Administrativna služba opština Oštra Luka br. 03/5-835-1-153/13 od 17.09.2013 godine.
- Fotokopija odluke o proglašenju ratnog stanja („Sl. list RBiH“ br. 7/92)
- Fotokopija odluke o ukidanju ratnog stanja („Sl. list RBiH“ br. 50/95)
- Troškovnik ovog Tužilaštva od 10.02.2014 godine sa priložima rješenja o naknadi troškova
- Rješenje o određivanju pritvora Kantonalnog suda Bihać broj: 01 0 K 008473 14 Kpp 2 od 18.01.2014 godine
- Izvod iz Ke za osumnjičenog.

PRIJEDLOG ZA PRODUŽENJE PRITVORA

U smislu odredbe člana 242 stav 3. i člana 151 stav 1. ZKP FBiH, predlažem da se prema osumnjičenom B.S., produži pritvor nakon potvrđivanja optužnice iz razloga predviđenih odredbom iz člana 146 stav 1. tačka d) ZKP FBiH.

Kantonalni sud u Bihaću po sudiji za prethodni postupak donio je Rješenje o određivanju pritvora prema osumnjičenom B.S. br. 01 0 K 008473 14 Kpp 2 od 18.01.2014 godine, te pritvor po ovom rješenju teče od 17.01.2014 godine od 08,00 sati kada je osumnjičeni lišen slobode i može po ovom rješenju trajati najduže mjesec dana ili do drugačije odluke suda.

Nakon provedene istrage, subjektivni i objektivni dokazi koji su navedeni u ovoj optužnici i dostavljeni uz istu, nedvojbeno ukazuju da postoji osnovana sumnja da je B.S. zajedno sa Š.Z. počinio krivično djelo ratnog zločina protiv civilnog stanovništva iz člana 142 stav 1. u vezi sa članom 22 preuzetog KZ SFRJ, na način, mjestima i vremenu kako je to bliže činjenično opisano u dispozitivu ove optužnice.

Smatram da za osumnjičenog i dalje postoje pritvorski razlozi predviđeni odredbom člana 146 stav 1. tačka d) ZKP-a FBiH obzirom da se osumnjičenom stavlja na teret da je zajedno sa drugim licem učestvovao u izvršenju krivičnog djela ratnog zločina protiv civilnog stanovništva za koje se može izreći kazna zatvora od 10 godina ili teža kazna, a koje djelo je posebno teško obzirom da je izvršeno u vrijeme rata, bezočnim ubijanjem civila druge narodnosti od kojih je jedan bio starije životne dobi (rođen 1932 g.) i koji nisu dali nikakvog povoda da budu lišeni života jer su kao civili po nalogu osumnjičenog odvedeni iz svojih kuća u prisutnosti svojih porodica, ubijeni i bačeni u jamu. Posljedica izvršenja krivičnog djela koje se osumnjičenom stavlja na teret je lišenje života dva lica. Takve činjenice i okolnosti, a i sam način izvršenja krivičnog djela koje se osumnjičenom stavlja na teret, nameće zaključak da bi

njegov boravak na slobodi rezultirao stvarnom prijetnjom narušavanju javnog reda, posebno što se radi o većem broju oštećenih lica. Imajući u vidu da je krivično djelo počinjeno na području općine Sanski Most u drugoj polovini 1992. godine, u vrijeme žestokih ratnih dejstava u BiH, da je na navedenom području nakon rata otkriven veći broj masovnih i pojedinačnih grobnica, a da se danas na to područje vratio velik broj izbjeglih i raseljenih lica, kako bošnjačke tako i srpske nacionalnosti, da je lišavanje slobode osumnjičenog lica od strane Državne agencije za istrage i zaštitu BiH (SIPA) izazvalo veliku pažnju građana na području USK-a i šire, da se za ovo krivično djelo može izreći kazna zatvora u trajanju od 10 godina ili teža kazna, rezultiralo bi stvarnom prijetnjom narušavanju javnog reda od strane građana, prvenstveno građana općine Sanski Most, ukoliko bi se osumnjičeni nalazio na slobodi.

Obzirom na naprijed navedeno smatramo da je mjera pritvora i dalje neophodna iz razloga propisanih odredbom člana 146 stav 1. tačka d) ZKP FBiH.

**KANTONALNI TUŽILAC
J.M.**